

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

**Po Zahtjevu Odjeljenja za privredni razvoj, sport i kulturu Vlade Brčko distrikta
Bosne i Hercegovine na nacrt Zakona o trgovini**

**Sarajevo
oktobar, 2010. godine**



Broj: 01-01-26-372-3-I/10
Sarajevo, 27.10.2010. godine

Na osnovu člana 25. stav (2) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu Odjeljenja za privredni razvoj, sport i kulturu Vlade Brčko distrikta Bosne i Hercegovine, zaprimljenog od strane Konkurencijskog vijeća dana 20.5.2010. godine, pod brojem 01-01-26-372-I/10, Konkurencijsko vijeće, na 3. sjednici održanoj dana 27.10. 2010. godine, je donijelo

MIŠLJENJE

Nacrt Zakona o trgovini Brčko distrikta Bosne i Hercegovine **nije** usaglašen sa Zakonom o konkurenciji.

O b r a z l o ž e n j e

Konkurencijsko vijeće je zaprimilo dana 20.5.2010. godine pod brojem 01-01-26-372-I/10 Zahtjev za izdavanjem mišljenja o usaglašenosti nacrta Zakona o trgovini sa Zakonom o konkurenciji ("Službeni glasnik BiH" 48/05, 76/07 i 80/09) (u daljem tekstu: Zakon).

Nakon obavljenog uvida u dostavljeni tekst nacrta Zakona o trgovini, Konkurencijsko vijeće je ocijenilo kako isti sadrži odredbe čiji bi efekat mogao dovesti do sprječavanja, ograničavanja ili narušavanja tržišne konkurencije na teritoriji Brčko distrikta Bosne i Hercegovine.

Članom 54. dostavljenog teksta nacrta propisana je mogućnost uvođenja privremenih mjera u slučaju da dođe do poremećaja na tržištu koji se ne mogu otkloniti mjerama tekuće ekonomske politike, dok je članom 55. istog nacrta propisan široki raspon mjera koje se mogu uvesti, te je propisana mogućnost trajanja mjera do otklanjanja uzroka koji su doveli do uvođenja tih mjera.

Primjenom gore navedenih odredaba Zakona o trgovini Brčko distrikta, Vladi Brčko distrikta otvorila bi se neograničena mogućnost za uvođenje mjera ograničavanja tržišta

iz razloga poremećaja na tržištu. Zbog toga, poremećaj na tržištu iz člana 5. dostavljenog nacрта Zakona o trgovini je pojam koji je potrebno definisati, odnosno navesti koji su to sve slučajevi koji mogu dovesti do poremećaja na tržištu, takvog obima, da bi bilo potrebno uvoditi privremene mjere.

Ukoliko bi se i vršila određena ograničavanja tržišta koja nemaju za svrhu isključivanje konkurencije, već nameću samo ograničenja neophodna za postizanje ciljeva, to bi trebalo vršiti u definisanim uslovima i sa definisanim razlozima, i na definisani vremenski period, kako ne bi došlo do zabranjenih konkurencijskih djelovanja propisanih članom 4. Zakona.

Konkurencijsko vijeće želi skrenuti pažnju i na činjenicu da materija nelojalne konkurencije i špekulacije nije regulisana Zakonom, pa je stoga potrebno da i dalje ostane regulisana Zakonom o trgovini.

U skladu sa naprijed izloženim Konkurencijsko vijeće je donijelo mišljenje kao u dispozitivu.

**Predsjednik
dr. Stjepo Pranjić**